



Broj: 28-01-30-03-09-2/26
Sarajevo, 24.07.2026. godine

Na osnovu člana 28. Zakona o državnoj službi u Kantonu Sarajevo ("Službene novine Kantona Sarajevo, br. 31/16, 45/19 i 6/25), člana 60. stav (3), (5) i (6) Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, broj 15/26), direktorica Kantonalnog zavoda za pružanje besplatne pravne pomoći Kantona Sarajevo, donosi

RJEŠENJE

, državnoj službenici u Kantonalnom zavodu za pružanje besplatne pravne pomoći Kantona Sarajevo, raspoređenoj na radno mjesto Pomoćnika direktora za pravne, finansijske i opšte poslove, osnovna plaća radnog mjesta na kojem je raspoređena uvećava se za procenat 20%, zbog privremenog obavljanja poslova radnog mjesta Stručnog savjetnika za ekonomske poslove, za period od 14.07. do 31.07.2026. godine.

Obrazloženje

Zaposlenica Kantonalnog zavoda za pružanje besplatne pravne pomoći, , državna službenica, raspoređena na radno mjesto Pomoćnika direktora za pravne, finansijske i opšte poslove, zbog upražnjenosti radnog mjesta u mjesecu julu 2026. godine, pored poslova radnog mjesta na koje je raspoređena, privremeno je obavljala i poslove Stručnog savjetnika za ekonomske i finansijske poslove, sa opisom poslova: planiranje i izrada Budžeta Zavoda (prednacrt, nacrt, prijedlog, izmjene i dopune); planira i vrši izradu Dokumenta okvirnog budžeta Zavoda (prednacrt, nacrt, prijedlog); praćenje propisa iz oblasti budžeta, finansija, računovodstva, javnih nabavki i drugih propisa, vršenje nadzora nad izvršenjem budžeta Zavoda sa odgovarajućim prijedlogom mjera; izrada periodičnih izvještaja i usaglašavanje bruto bilansa Zavoda; izrada kvartalnih obrazloženja o izvršenju Budžeta Zavoda; predlaganje preraspodjele sredstava u okviru odobrenog budžeta Zavoda; dostavljanje podataka u Registar budžetskih korisnika; dostavljanje mjesečnih izvještaja o plaćama zaposlenih Federalnoj Agenciji za statistiku; učestvovanje u izradi programa rada Zavoda i izvještaja o radu Zavoda; izrada Plana javnih nabavki Zavoda, te izmjene i dopune Plana javnih nabavki, dostavljanje podataka o nabavkama u Registar javnih nabavki; priprema i provođenje postupaka javnih nabavki; koordinaciju rada sa uposlenim u Ministarstvu finansija; sastavljanje i čuvanje finansijske i računovodstvene dokumentacije i evidencije; priprema i kontrola ispravnosti računa i naloga za plaćanje i dostavlja na potpis i plaćanje; učestvovanje u svim oblicima stručnog obrazovanja i usavršavanja koje se odnosi na opis poslova ovog radnog mjesta; obavljanje i drugih stručnih poslova iz nadležnosti Zavoda, po nalogu direktora.

Odredbama člana 60. stav (3) Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, broj 15/26), propisano je da će rukovodilac organa državne službe donijeti rješenje kojim se osnovna plaća državnog službenika ili namještenika uvećava za procenat do 20% za period u kojem, pored poslova svog radnog mjesta, privremeno obavlja poslove drugog radnog mjesta, pod uslovom da ispunjava propisane uslove za obavljanje poslova tog radnog mjesta čije poslove obavlja, dok je stavom (5) propisano da rješenje iz st. (3) i (4) ovog člana mora sadržavati opis poslova koji se privremeno obavljaju, procenat uvećanja osnovne plaće i period za koji se uvećanje odobrava. Stavom (6) istog člana propisano je da kada državni službenik ili namještenik obavlja poslove drugog radnog mjesta, da se rješenje donosi za svaki mjesec pojedinačno.

Shodno navedenom, u skladu sa odredbama člana 60. stav (3), (5) i (6) Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, broj 15/26), odlučeno je kao u dispozitivu ovog rješenja.

Pouka o pravnom lijeku: Protiv ovog rješenja može se izjaviti žalba Odboru državne službe za žalbe Federacije BiH, u roku od 15 dana od dana prijema rješenja, koja ne odlaže izvršenje rješenja.



DIREKTORICA

Emina Herdić, dipl. pravnik

Dostaviti:

- ① Imenovanoj, — 31.07.26
- ② Odjeljenju za COP, —
- ③ U personalni dosije, —
- 4. Arhivi

24.07.2026.